

## Тарикъатлизи керхес чебла саби

**Т**арикъат сасни, ил буцни чебси саби или ирули саби цабахли, цархилгани ил суннат саби или ирули саби. Тарикъат мархебирутира леб, илдара нушала хулбала гъалаб саби.

Ну тарикъат сасес чебси саби биклутазирад сайра, илала агълу сайхли. Тарикъат сасес чебси ахлен, ил сахлесаллира асубирар или паргъаткайубси адамлизи сейкхуси? Илис чеввалкунси, я хатгаикибси сай или хейру. Тарикъат агарлира шаригъат биэс асубируси сабину. Амма ил шаригъатра камил барили, иличивли Аллагъ ﷻ вагъниличичи ваэс дигуси адамлис, тарикъат чараагарли гъягънибиркур, жавгъар-якутла вегі ветаэс дигуси адамлис урхънази ухнахлевхъес чараагарсиван. Чарх агарли чъанкли рухла нушани чебиуси мицъирдеш хлебирар. Рухі гъяламул малакутличи бархбасунси илагъиси сирру сабину. Рухі агарси къаркъала бирар, масала, вебкѳбси адамла. Бирклан камхлебиубси абзур къаркъала биаллира, мицъирси адамли виэс багъандан ил къаркъалалис рухі хъяжатдиркур. Рухіра къаркъалара цаладикибхели ветарар мицъирси адам. Бирклан камси, гъузрула вегі виаллира мицъирси адамла ца сунечи лайикъси гъямал камхлебирар. Амма рухі агарси, вебкѳбси, къаркъалайзибад, сецад биркланти диаллира, се пайда бирара? Вебкѳбси чарх мицъирбарес рухі чара агарсиван, нушани гъалабра бурибливан, шаригъат мицъирбарес тарикъат чараагарси саби. Тарикъат саби, шаригъатла «хадим», – шаригъатлис къуллукъ бируси, ил жагабируси, ил балбируси гъягъниахъала. Шаригъат балбарнила, ил жагабирнила мягъна се саби? Исламла шелра рукну дархъаалли биъхлебиуру гъатли или хъарбаалли ил суал мешули саби, хъу бацра бацци, гъера дегли, чебаклили гъерги замана-замана шиннира иркалли хлебиуру, гъатли къуллукъ се багъандан барес гъягъниси ибсилчи. Иш суаллис ишкъяйда жаваб барес асубирар; хъу вебкѳбилис икѳ бурибси




къадар къуллукъ баралли биур или. Амма хъумартес асухлебирар хъу бегънила мурад. Икѳ гъанбушибси тахъарли барибси къуллукъра баахъили уибси хъула веглира, дуцърум ардукъяйчи биркъубли, бирцѳили, газала-дармара барили къуллукъ барибсинира, гъебшни чидили сегъуна сабухъ бурчул ил пикрибарес гъягънибиркур. Адам Аллагъличи ﷻ гъамвиънилизивад чарвирути вайти, уряхъти, хъярамти секлазивад: **жахід, хъусуд, рияъ, сумгъят, дунгъа дигни, халадеш, тѳалаббарни**, ишди ахленти цархилтира хъярамти секлазибад уркли умубарни-

личи сай вяхъвируси шайх уцес чебси биъниличичи ца биуб лебилра тарикъатла агълу, – тарикъатла халати имамти. Ишди гъандушибти батѳинти-дигънати излумас дарман дарили, илдазибад уркли умубарес чебси биъниличичи ва илди тарикъатуни дузахъес хъярамси биъниличичи Къуръаннира, хъядисунанира бикъри-деш дирули сари. Икѳди излуми багъандан ахиратлизиб гъязаб буркѳнира бурули саби, илди вайти, уряхъти сипатуназибад уркли умубарниличичи сай вяхъвируси шайх хлевцибси адам Аллагъличира ﷻ Идбагличира ﷻ гъясици адам сай или бурули саби.

### Номерлизир:



Идбагла хъял тарикъат



Багъудлуми – Исламла рухі



Ражаб баз

## Багъудлуми — Исламла рухі

**И**шбархли нуша динна ахленти гъилмуртала къадриличила гъайхедикхеле, сенкѳун нушала адамтани иткъира илдала къадриличила баули саби ва динна ахленти белчѳудила заведениебази каберхес хъяракатлизиб чебиула. Чъанкли бурехле, динна ахленти багъудлуми дармунтачи мешути сари, сарира, иза декъдешличичи, изахъуси мерличичи ва заманаличи пикри бяхъичаили, белгити къадуртагизир пайдаладирес хъяжатти. Илхелира илди къадурти я имцѳахедарили я камхедарили. Исламла багъудлуми биалли лебтасалра цаван гъягъниси хурегличичи мешудиркур. Ил багъандан, ишбархли нуша

гъайдикхеле исламла гъилмуртала къадри-къиматличила. Адамла бегълара халаси игъбарагри саби исламла гъилмуртачи вегъхейни. Секѳал балхлебалниличичи халаси мискиндешра лебси ахлен. Биалра, бахъалгъунти бусурманти чули секѳал хлебалниличичи пахрумабиркъули сабис. Ислам – Чевяхъси Аллагъличи ﷻ чебаахъибси гъуни саби. Инсаният шалал дунгъяличибра итил дунгъяличибра талихъличи аркуси цайли цаси гъуни саби ил. Багъудлуми биалли - Исламла рухі сари. Рухі сунезир агарли къаркъала заябирули къяйдали, Багъудлуми агарли Исламра пашихъур. Хъядислизиб бурили саби: «**Багъудлуми – Исламла рухі ва динна хъарихъ сари**» (Абу Шайх).

Ахлerti узби ва рузби, Исламла душманти бахъалгъунти бусурмантала динна шайчирти багъудлуми агъниличил яра камли диъниличил пайдалабирули саби. Нушала ярагъ - Къуръан, хъядисунни, Шаригъат – илдани нушачи къаршили каили сари. Цацадехъти аятуни, хъядисунни, Къуръаннизирад касили, гъягънили агарси мерличичи ва заманализир дурули, иличибли саби «бархъли биъни кабилзахъули» саби ва Къуръанра хъядисуннира чула шайчир сари или нягъдаллагъкабилзули саби. Диннизибад декларбикибси мазгъабла шаликартани ишхелла замана бусурманти-ургар илкъяйда дураибти деклар-декларти белклани (листовкаби), брошюраби тѳинтидирули сари.



## Чиркёйлизиб мажлис



Апрельла 30-йчиб Буйнакск-ла районна Чиркёйла шилизиб гялимтала мажлис дураберкёиб. Ил балбуцичи бакёилри халати гялимти, тарикъатла шейхани. Илизир илкяйдали бутакьяндеш дариб Накъшубандила ва Шазалила тарикъатла шейх хурматла Сягид-афанди Чиркёвиллира. Мажлисичи бутакьяндеш дариб Дагъиста лерилра шагъуртала ва

шималацунра ахли, Россияла федерацияла дахъал цархилти регионтала делегациябанира.

Дагъиста бусурмантала Динна управлениела председатель муфтий Гягхмад-хяжи Гябдуллаевли ил мажлис бирхарутала байрамлизичи халбариб.

Сунела гяйлизиб муфтийли пикри бяхъичаиб дунъяла регионти, хаслира исламла улкни, дуцибти

кълмакъар-къавгъаличи. Илини ишхелла дунъяличибси аги ибкъси биъниличила буриб ва пикри хябал мягъичерти секъайчи бяхъичаиб: ца-ибил – вегъла бунагуначивад Аллагъ () чевверхахъес багъандан тавбадарес, кёибил – лерилра гибти лигъматуни багъандан Аллагылис шукру барес чебси биъни аргъахъиб. Пур илини Ближний Востокла ва Африкала Северла шайчибти лебилра бусурманти багъандан дугъа барахъес бусурманти жибаиб. Илини илкяйдали, бусурманти жибаиб нушала ванзаличиб даршудеш ва паргъатдеш дихъес багъандан Аллагылизи тиладилчиб балга барахъес.

Исламла гялимтала вягъзаби ишхелла челукути деклар-декларти масъултаци къячдикун. Мяхъичкъалала халалгуна мижитла имам Мухъаммадрасул-хяжи Сягъядуевли гъалабихъиб ил бархли «Цадиънила, бунагуна черкархнила, бирхути цалабикнила Бархли» сабливан багъахъес.

## Чебяхъиси Ватла дергъла бутакьянчиби булгахъес госпитальлизир шуртёри лер

Майла 6-личиб, Чедибдешла байрам дураберкёис гъаларти бурхёнала цализиб, Дагъистан Республикала Президент Мяхъаммадсалам Мяхъаммадов Мяхъичкъалализибси дергъла ва дявиласи къуллукъла ветерантала госпитализичи гъаввакёиб.

Бусягъатла заманалис илаб Чебяхъиси Ватла дергъла шел ветеран аракабирули саби – Гярип Хяжиевич Хяжиев (Мяхъичкъала), Минатулла Магъдиевич Дайтов (Хайдакыла район), Шамсутдин Сулайбанович Сулайбанов (Кулила район), Гямурулагъ Ашдиевич Жамалов (Рутулла районна Удибси Катрухла ши), Мяхъаммад Мяхъичиевич Гялиев (Шамилла район). Излумачи ва деркёибти дусмачи херхёеили, ветерантани заманаличир балга-дугъа ва цахёнарти жамагъятла дехёибала дирули сари.

Центрлизитбани динна тяхъяр-къяйда дузахъес лерилра шуртёри лер.



ДР-ла бекёли лебилра ветерантас чёумаси арадеш балгун: «Нушаб дигулра хёуша дахъхли арали кали, хёуша нушани кумекличилра гёрдурцуря».

## Дагъистайзив жагъси гялим кавшиб



Дагъиста Хасавюртла районна Кокрекла шилизив, майла 8-личив сягъат 9-личив сенела хъа азбарлизичи дуравхъунси жагъил гялим-хягъа-хяжи Мяхъаммадов кавшиб.

Хягъа – хяжи акёубсири 1980 ибил дуслизив Чёрадала районна Ритлябла шилизив. Илини Исламла багъуди касибсири халати гялимтазибад.

2009-ибил дусличивад илини сунела шилизиб мадраса гъашбалтулри ва Шамилла района Асабла шилизиб Исламла багъуддумала чебкъадси белчудуи даимбарилри.

## Палтар челгънила адабуни

Бусурман адамла палтар гъарзати диэс чебиркур, къаркъала гъажхёебирути, гягъис саби илди цёуба рангла диалли. Дебали духъянти палтар дихахъесра маслигъатбируси ахёен. Палтар жагъали дихес ва мурталра умули дихёес чебиркур.

Ислам Хягъаматов  
islam\_gamzatov@mail.ru

Палтар челгъес балуй шайчивад вехёрхёуси сай. Палтар челгъухёели ишкъяйда викахъес маслигъатбируси саби: «Аллагъумма инни асълука мин хайригъи ва хайри ма сунигъла лагу, ва агъузубика мин шарригъи ва шарри ма гъува лагу» яра «Алхёамдуллагъи ллази касани ма увари бигъи гъаврати ва атажаммалу бигъи байна ннаси» (Деза Аллагылис, дила гъаврат кёапбарахъес наб палтар гибси, адамтала ургав ну илдани жагъаварилра). Палтар чердалтухёели бучёуси саби: «Бисмиллагъи ллази ла илагъа илла гъува».

Палтар челгъес ва чердалтес чебиркур адамтани чехёеуси мерличир. Сагати палтар челгъухёели бучёуси саби: «Аллагъумма лакал хёамду, анта касавтанигъи асълука хайрагъу ва хайра ма сунигъла лагу, ва агъузу бика мин шарригъи ва шарри ма сунигъла лагу».

(Я Аллагъ, Хёед деза, Хёуни набчи илди чегъурри. Нуни хёези тиладибирулра ил вайсизирад мяхёкамдарахъес).

Сагати палтар асибхёели, буркъа палтар иличи хёажатдеш лебсилес садакъалис бедлугахъес маслигъатбируси саби. Жумягъла дехёибала дарес аркъухёели гягъитигъунти палтар челгъахъес маслигъатбируси саби. Мурул адамлис архёа чёанкёилизирад дирбути палтар дихахъес къадагъабируси саби. Хёунул адамтас илди дихес асубируси саби. Хёунул адамла палтарли илала лебилра къаркъала кёапбирули биэс чебиркур, дяхёра някъёира ( хъат някъёи) ахёенси, илди деца чедибули диэс асухёебар, къаркъала чехёебахъес багъандан. Къаркъайчи чекунтира, мурул адамла палтарличи мешутира палтар дихути ахёен.

Пикри бяхъичааа илди авалра секъайчи. Модала палтар бусурмантаци лайикъти ахёен. Палтарла шайчирти къанунти пикридиран гъарли-марли шайтёан саби. Модала барсбикёуси саби, амма адамла палтарличи тёалаб мурталра кавлуси саби.

Палтарлис кадизахъурти дазурбачила гъай бетаурхёели, Муслимли нушачи баахъибси дирхалачебси хёядис гъанбиркахъес чебиркур.

Илизиб бурили саби: «Къиямалла бархли гъамбикёуцад, хёунул адамти палтарличил сабли хъалли, гъаргли башар, илдигъунти хёунул адамтани Алжанала тёмра чехёебиу, хёятта ил гъар шайчибяхёи тинтёбируси биаллира. Ил багъандан хёушанира хёушала хёунри, рурсби, дурхёни мяхёкамбарая илгъуна къисматлизичибад.

**Учредитель**  
Благотворительный фонд «Путь». Газета печатается по согласованию и одобрению Духовного управления мусульман Дагестана

**Редакционный совет**  
Председатель редакционного совета муфтий РД  
Ахмад-хаджи АБДУЛАЕВ  
заместитель муфтия РД  
Мухаммад ДАВУДОВ

**Главный редактор**  
Айна (Патимат) ГАМЗАТОВА

**Редактор**  
Ислам ГАМЗАТОВ

**Канонический редактор**  
Мухаммад ДАВУДОВ

**Корректор**  
Нурульгюда РАЖАБОВА

**Дизайн, вёрстка**  
Лейла ГУСЕЙНОВА

**Менеджер**  
Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ № \_\_\_\_\_

Сдано в печать 18 мая 2011 г. в 16:00

Тираж 3.600 экз.

**Адрес редакции**

367015, РД, г. Махачкала, ул. Азиза Алиева, 2.

По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.

E-mail: assalamweb@gmail.com; www.assalam.ru



# Тарикъатлизи керхес чебла саби

**1** « Сенахенну, илди сифатуназибад уркли умубарес устазла кумекличил ахенси адамла ахъри хебикур. Ишди гъандушибти батинти-дигъанати излумазибад уркли умубарес багъандан устаз хевцибси адам, азир гилмула кунг урклиличир далуси виаллира ил мешувирули сай, тибла-(медицинала) жуз белчи ил урклиличиб багъурси, амма сегъуна изайс сегъуна дарман бирусив или хъарбаалли, ил хебалуси адамличи. Жузлизбад белчи илини дарс кабирхъули бакъибтас ил халаси тухтур сай или гъанбиркуси, амма изайс дарман дарес хебалуси. Гъалим виаллира тарикъатла устаз хевцибси адамлис иши викули сай Гъабдул Вагъаби Шагърани. Иш Шагърани, тарикъатла агъула ухънав дебели чебяхъси макъамла адам сай. Иш ца камсилра вагъес чебикалли илала кунги делчес гъагънибиркур, илизибад баракатра биркур. Ил адам сегъуна сайрилра бала, иншаАллагъ. Динна узи ва рузи, хъушани пикри бяхъичаая: Шагъранили факъигълис бирусид сифатла мурад: гъар секла агъула бирар, сай агъула виубси адамли ахенси ил хъанчила хъял хебала или ибси биъниличичи. Чъанкли факъигъуни убяхъи барни ахъен ишала мурад, фикъгъи, Исламла хъулчи сабину. Нушани гъалабра гъанбушира, уммат бархъагънилизиб гъалимла сунела тахъар къяйда бирар. **Тарикъат сасес чебси биънилис ишдани ишгъуна далил лебкули саби:** ца сегъуна биаллира секлал барес гъагънибиалли, саби агарли гъамал агарси цархил гъагъниахъалара биес чебси саби или. Масала: нуша дикхъе, урца усталис шявхъа биес чебси саби или. Чебси биънилис далил се сабив или хъарбаалли? илис ишгъуна жаваб барес чебиркур, шявхъа агарли лугъян дарес хейрар или. Ца адамли ханлис савгъатлис бархъес, яра базарличи бухили бицес бардани къисбарили шявхъани лугъяна хебарили урца ца стол баралли, цархил устанира ик мурадличил,

шявхъани лугъян барибси стол баралли ханни чидил къабулбиру, яра бицалли чидиллис багъа имцали луга? келра столлизибад, гъагъайра, ил жагали барибси стол тащмищдеш агарли, чинабалра къабул биру. Тарикъатличилра тарикъат агарлира бирусид гъабадат-динна ургаб, икди келра столла ургаб-сигъуна деклардеш леб. Халбарибси замана нушанира илкъяйда чебиулира. Бирканти камхедиубси араси чархван, рукнуртала шайзибад камилси дехибала бетаес багъандан шаригъят хъжат биркур, амма илди дехибала рухл лерти мициртили диес багъандан «ахиратлизир нушаб таманси пайда лебтали диес багъандан» тарикъат агарли гъамал агара. Шайхул Ислам Закариял-Ансари викули сай: «Тарикъатла агъуличил цала херкуси факъигъ, гъебка агарси къагъличи мешуси сай» – или. Аллагъли ладуниси гилмура бедили, урклира нафсра умули аклахъубси адам ахенси, гъелаб калунти лебилра халкъличи чеббарили (фарзул гъайнли барили) саби, батинси-дигъанси гилму багъни. Сенахенну ил гилму багъни ва бузахъниличиблицун саби, сай гъалак вирути ва гъалаквие-нилизивад вихъути гъабигъят, хасиятуни дагъес ва деклара дарес вируси.

**Илди батинти гъабигъятуни, излуми дагънилис загъирси гилму белчинили абаала хебирнилис бикъридеш дирули саби ва ил кабилзахъули саби авалра мазгъабла гъалимтани:**  
– Абу Хъанифала мазгъабла гъалимти: *Ибнул Гъамал, Шабали, Шарнабалали, Хайруддини Рамали, Алхъамавию* ва ишди ахенти цархилтанира;  
– **Имам Шафигъила мазгъабла:** *Ибну Гъабдуссалам, Хъужатул Ислам Имам Гъазали, Тажуддин Субукъий, Суюти, Шайхул Ислам Къази Закариял-Ансари, Ибну Хъажар Гъайтами* ва цархилти гъалимтанира;  
– **Имам Маликла мазгъабла:** *Абул-Хъасан Шъазали,*

*Абул-Гъаббасил Мурси, Ибну Гъаттаиллагъ, Ибну Аби Жамрат, Насируддин Лакъанию, Ахъмад Зарукъ* ва илди ахенти цархилти гъалимтанира;  
– **Имам Ахъмадла мазгъабла:** *Гъабдулкъадир Гъилани, Шайхул Ислам Гъабдуллагъил-Ансари. Ибну Нажарил Футухлию* ва илди ахенти цархилтанира. Ишди гъанбушибти авалра мазгъабла гъалимти загъирси гилмулизибад чус баари гилму касили глергъи, илди машгъурбиубли саби батинси гилму багъниличил. Загъирси гилмули чус абаала хебирни багъурли, илди каберхурли саби тарикъатлизи. Умуси ихласличил, чумаси игътикъадличил илдани тарикъатла шуйхрочил юлдашдеш дарили сари, илдазибад пайдара касили саби. Чули авалра мазгъабла Имамлира тарикъат чесили саби. Имам Шафигъ суфибала мажлислизи вашули уили сай. Имам Ахъмад суфибала хъял багъайчи сунела урши Гъабдуллагълизи викусири: «*вари илди гилму агартала мякъла гъаммайруд*» – или. Илди суфиби багъурли глергъи илини уршилизи васият барили сай: «*Вари хъу ишдала мякълав вирен*» – или. Имам Абухъанифара викули сай: «*Сунела гъамрула глергъити ишди келра дус тарикъатлизи кахерхурси виаслири сай гъалаквираси*» – или. Илини тарикъат сасили сай сунела мутагъалимлизивад. Тарикъат сасес чебси биънила хекълизир кунгазир лерти секлал ишди кунгъура делкли таман дарес хейрар. Пяхил пикрихъунсилис иш гъанбушибси къадарлира абаала биру. Гъалавад арукъайчи адамла къимат хебалули биъни гъагъихъси саби. Ишбархъира гъалабла гъалимтас къимат хелутутира ва бедес хебалутира бургули саби нушала ургаб. Гъябра, Гъажамра, камси гилму сабив нушаб илдани гъелаб батурси. Нуша илдала чебланиур сарра, илдала гъуни буцахъес Аллагъли ﷺ тавфикъ бараб лебтасалра. *Мажмугъатуль фаваид*

## Исламлизиб рурсби гъаббилтани

**Ж**агъилила замана (Мухъаммад ﷺ идбаг вегъайчи) адамти-ургар дахъал гъадатунни лертири, чулира цабехл адамти разибирути, цархилтас зарал бирути яра клибхлисалра зараллати.

*Мяхъаммад аль-Къахълиби*

Ишар гъай сари сагали аклубси рурси мицир-мицирли хъярирхъниличила, сенкун рурси акъни хъалибаргълис цахъдешлизи халбирусири. Хъунул адамла сегъунтилла ихтиюрти лерти ахъенри: ил асесрицес бирутири, дудеш вебклили глергъи урши илала гамъачи хъаллавиахъес бирутири... Чевяхъси Аллагъли ﷺ урклецибарили Мухъаммад Идбаг ﷺ вархъибси сай илдигъунти такъсирти хедарахъес багъандан, адамти баришдешличи, дигиличи ва къабулдешличи жибирахъес, адамти белклбелчличи бурсибарахъес ва илдази гъагъти къасани дяркъяхъес багъандан. Аллагъла Расулла ﷺ хъядислизиб бурили саби: «*Ну вархъибсира вайти гъадатунни ва хъялани урдыхъяхъес*». Ил хъядислизиб чебаэсли саби ил дунгъаличи вархънила мурадуназибад ца – адамти-ургар чус зараллати гъадатунни агардарес вирни. Ва Мухъаммад идбагла ﷺ амру биухили илала гъуникад вашусличичун, Къиямала бархли Чевяхъси Аллагъли ﷺ урклеци биру. Гъанна чумал даршдус адамтала ургаб рурси гъарилтанила гъадат тинтибиубли саби. Ил гъадатлизир вецал ва имцали къадагъадарибти

баркъуди лер, ил лугъилизир дебели урхлтира. Дагъиста гъалимтала советличиб рурсби гъаббилтанила чебкадси



масъала ахъбуциб. Ил ахъбуцибнилис сабабли диуб гъарритлунси рурсила, сари гъарритлунсила тухумтала ва шантала ургар душмандеш, гъими-къяс ва баришдеш агни дакълудирнила анцбукуни. Илкъяйдали ца адамла гъайбличибли абзур тухумтала, цацахъели биалли, шимала ургар тгъагъагардешуни алклули сари. Цацадехлти анцбукуназир ил баркъудили адамти балагъ-къадарлизи биркахъу – гъарритлунси рурси ва урши илди бегъти ва узби кабуршниличичи бетиркахъу. Гъайибла вегъла узи яра дудеш дихъалис уцили, гъарритлунси рурси чаррахъес замана гъакаи, ил чаррарили келра

кабушибти анцбукуни булан диуб. Гъарритлунси рурсила бегътас ил анцбукулизиб халаси цахъдеш леб. Ил багъандан дудешли рурси глур

сунечи хъурарихъули ахъен. Дагъиста муфтигъи Гъахъмад-хъяжи Гъабдуллаевли шимала ва шагъуртала лебилра имамтачи ва гъалимтачи хъарбариб рурси гъарритни – халаси бунагъ биъниличила ва илала чебкад шаригъятли дурасибси хлукмуличила бусурмантази аргъахъес, Ил масъалаличи шаригъятла къанунти хъясибли ва исламла къяйдурти хъясибли хлеризурли, ишгъуна секлал бурес вирар. **Цаибил.** Дин хъясибси хъела узис хейгуси барахъес исламли къадагъабирули саби. Иличила хъядислизиб бурили саби: «*Хъушазибад цалисалра дин ункъхлебарар, сунес дигуси секлал сунела узисра дигесли хебаралли*».

Даширая гъанна пикридулхъехле, чис дигахъул сунела рурси, рузи яра ураркъибси цикиури цархилли гъарритлалли. Сунес илкъяйда биубли чисалра хейгахъу!  
**Къибибл.** Урхъла секлал бигъни, илди мургъи диаб арц диаб яра цархил секлал биаб, къадагъаласи секлал саби. Хъера пикридухъеная, гъатлира халаси танбихличи лайикъли ахъену гъатли, мургъи, арцличирра дурхъаси секлал, (цабутлаван, хъунул адамти билгъни) ва нуша Аклахъубсила ﷺ танбихлизивад илгъуна адам уцару? Илгъуна адам сунени барибсилчи пашманиубли тавбадараллира Чевяхъси ﷺ иличивад чевхлерхар, сунени децлагахъибти, хейгибизахъурти лебилра сунечибад чебкахеберхурли лебай, рурсила дудешличибад бехлибихили, цархилти тухумтачи бикайчи.  
**Хъябъибил.** Исламли бусурман адамла хъялалдеш ва асилдеш къиматладиру ва мяхкъамдиру, сай сегъуна виалра илис вайбарес къасбарни къаркъли къадагъабирули саби. Идбагли ﷺ сунела бегъла глергъиси вягъзализиб бурибси саби: «... *Хъушаб цалис цала хли (гъамру), ваяхъл, хъялалдеш, асилдеш къадагъалати сари иш шагъарлизир (Маккализир), иш базлизир (зулхиджа), иш бархли иш мерличиб иш замана дъв барес къадагъаси къяйдали ...*» (аль-Бухари Муслим).  
Цархил хъядислизиб бурили саби: «*Ца бусурма хли (гъамру), ваяхъл ва асилдеш цархил бусурмайс къадагъалати сари (Муслим, ат-Тирмизи)*. Илкъяйдали хъядислизиб бурили саби: **» 6**



# Идбагла хял табигят

**Ш**агда – дугъбачил бурули, урклили къабулбарили, Аллагъ ﷻ ахли лагъдеш-дареси цархил дигужан агни ва Мухляммад Аллагъла Расул виъни хлякыкыбатилизиб марбириси бикъри саби.

КъурамухАммад-Хажжи Рамазанов

Шагдадала киибил бутализиб бурули саби Мухляммад Идбагличи ﷺ вирхес гягнели биъниличила. Илала дудешлис Гябдуллагъ, нешлис – Аминат бикниличила, сай Маккализив акубли, Мадиализи гечъниличила, илав хляриихъниличила, халкъ динничи бяркъес, Аллагъ ﷻ ца виъниличил жибарахъес Чевяхъсили ﷻ вархьбси виъниличила. Адамтазивад ил беглара бунагъагарси сайри, илини Бархъдеш ахли буриси ахленри. Лебилра инсаниятлис, жиндрас ва малайкунас булан Идбаг ﷺ сайливан вархьбсири ил. Чевяхъсили лебгачилра чеблибариб илгъебли башахъес ва Идбаг ﷺ мархейруси дин чебхлебиклахъес. Адамтазивад ил беглара хурматчевси сай, ва Аллагъли лебилра инсаниятличил чеблибариб ил дигахъес. Илала караматдеш бегла гьегъи гьаргдарибти диалра, сай бег гъалав аклахъубси сай. Илала дин убъяхъяхъес цархил Идбаг ﷺ вархьбуси ахлен, сенкун ил, барсдеш агарли Аллагъла хъарбаркъ халкъличи баахъибси, лебилра идбаганала Мугъур сай. Гиса Идбаглира ﷺ, ванзаличи ваклили гьегъи нушала Идбагла къанунти гъай агарли дузахъу. Аллагъ ﷻ илис Сунес Дигуси (Хлябиб) виклусири ва Чевяхълахъуцниличил (Мигърадъ) шабагъатлаварибсири, Беглара Чевяхъси чеахъес имкан бедили. Иш дунъяличиб ил чеэс чисалра цархиллиси бикибси ахлен. Идбагли сунела дурхъаси хлябличил вякъунсилис Къиямала бархли кумекбарес чесиб. Идбаглис цайна гягъдеш балгунсилис Сай Аллагъли ﷻ вецна гягъдеш бируси сай. Чевяхъси вагъес гъуцтас ил дяхъимцала сай, сенкун нушала Идбаг ﷻ вагъни Аллагъ ﷻ вагъес багъандан кайцуси ганз саби. Идбагла гъуни бурцусини иш дунъяличиб ва итил дунъяличиб хурмат сархес багъандан хедагъес чара агара Аллагъла Расулла черикла диркъудалтутачила ва къугъаси табигятличила. Къудратла Вегли Сунела Расуллис ил шайчиб иш ва итил дунъяличиб гъаналауб чисалра хебедибси ахъси даража бедиб.

## Идбагла черикла лишантачила къантла бурехе.

Нушала Идбагла уктемдеш хедери. Сунени сунела дабри далдири, дуркъти палтарличил ваши, илдирасунени дучурки, хъулибтас хозайствозилиб кумекбири. Лебил гялам халкълизив ил беглара уруклусири, ил чилалра хулбазил херизес хейри. Палабаралри ил лагъличира азадсилчира ваши. Илини савгъатуни сайси ва нъла къулса биаллира ил гибсилчил бархли буки. Мискинси ил мискинси виъни багъандан мучлаагархейри ва давлачев ил давлачевси виъни багъандан гапхейри. Ил я хъунуйс хьегъи, я – хлянчизарлис. Гъачам дергъелизиб илизи душмайс диргала бурахъес тиладибарибхели,



илини жаваб бедиб: «Ну малхямсили виахъес вархьбсира, лягнатиклахъес ахленрану». Къаршикибсилис илини салам гъалабиркахъи. Цайналра кайрухели яра алзухели Чевяхъсила у хелхели хебалти.

Дехъибала дирухели иличи чи биалра гъамиалри, илини къалабали илди таманни ва се хляжатлил хъарби. Илини хъулиб балкибси букусири. Чумиздагунни диалрира дуки, къац агарли биалра. Анкила яра мухъила къац гъебга агарлира буки. Беркайчи зигархейкли, се биалра буки, хлебиалри – лехкелзи. Уки гьегъи илини някъби ици ва дамхурти някъбачил дяхъ хляршдири. Се биалра дужухелира Аллагъла у айхъи ва гъар хупикунхели Аллагълис икрамикли. Ил гъама агарли ужи ва гажиннизи гьегъхейкли. Имцали ил някъбани къукуби алавдарили кайрусири. Укухели, улгухеливан кайрусири, някъбира къашмачи кадихили. Ил виклусири: «Ну лагъ сайра ва лагъван кайрусира». Халкъ урга кайибхели адамтани дунъяла яра ахиратла гъай дехъудалри илинира илдала гъай гьегъурци. Идбагла гъай беглара гягътири лебилра халкъайчир. Илала гъай назмуртиван каргъуртири. Гъай мялхямтири ва урхемешуахентири. Гягъидеш агарли гъайхейкли. Мурталра адамтас гягъбаркъла ва гягъти насихятуни дури. Аллагъла Расул ахъли дукархьерхи, ва асхлябтира, илала хурмат бирули илван дукаркли, илини илдас къадагъахлебири. Аллагъла Расул халадеш агарли палтарличил вегири, имцали цуба палтар челгъи. Жумягъ бархли илини хаста партар дихи. Чялмала удиб къапла бихи. Цацахели ил чялма агарлира бихи. Илини балуй шайчивад вехихъили палтар челгъи. Илхели ил Аллагълизи улги, нушала чянкудеш дигъанбирни багъандан. Палтар чердалтесра ил балуй шайчивад вехирхъи. Сагаси секлал чегъалри, дуркъаби мискинтас луги. Идбагла шаршав (аба) лебсири, дехъибала-сунна бирухели убуруси. Цацахели ил хлясирличив усусири,

цархил селра ухебушили. Аллагъла Расул лебил гяламлизивад беглара сахаватсири. Рабазан базлизиб илала сахаватдешла ахир хлебири, ва илини цалра садакъачи вацли чархейри. Гъачам илис 90 азир арцла къуруш (диргъам) хибтири. Илини илди хъа къапула мякъла хлясирличил кадихъиб ва дуртес вехихъиб, лерилра кадерхайчи тлашхейзур. Иличи садакъачиби бакибхели, хъулиб селра хлебиалри, илини ирусири: «Дила улчил вачрукъязабивад се биалра сасая, нуни арц лугасну». Илала кепекалра арцла кахъвли. Кепекалра биалри кисализиб, ил бедеси варгайчи хъули чархелхъи. Лебил гялам халкълизивад Идбаг ﷺ беглара урехиагарси багъадур сайри. Асхлябтазивад урехиагарсиллизи халирусири дергъла замана илала мякъла гъамиеэ вируси. Душмантачил ил багъадурсун ургъусири. Ил селизивадалра уруклуси ахленри. Ил Аллагъличи къаршитачи вири гъимуркуси, сай багъандан ахленрину. Ил цайналра чизилра се биалра гягъхлебизан хейкли. Гясирхейкли, балкидеш чебаибхели ахли сунела гясивиъни чехлебахъи. Аллагъла Расул адамти ургав беглара малхямси сайри. Ил адамтачивад чевкархи, ил танбихълаварес имкан лебил биалра. Гъачам Идбаг ﷺ чевкерхурсири сай агъулаварес алавракибси жугутли хъунул адамличивад. Бархкъаби ил карушес балбизур, амма Идбагли ил секлал хлебаракъиб. Кинайс Жабрагил малаикли Аллагъла Расуллизи багъахур пулан жугутли сирхурдарес дигниличила. Идбагли ил танбихълаваракъес ахленну, илизи иличила бурахъесалра хлебатур. Аллагъла Расулла малхямдешличила хабурти иш белклизил кахедурцар. Идбаг ﷺ сипатлаварести гъай даргесра хейрар. Ил вецнушурайла дугила бацличил мешусири. Лебил гяламличил хьеракиблуси берхиличи мешусири. Идбаг ﷻ я ахъси ахленри, я – гягъси, ил ургабси ахъдешлари. Хлясанни ил

ишкъайда къиматлавирусири: «Ил ахъси ахлен, амма лебгачивра ахъсигъуна сай, гягъсира ахлен». Идбагла дяхъ-сипат беглара жагати ва пергерти дяхъри сарри. Илини нур алкахъунтигъунтири. Илала муцлур цудара ва берхьибсири Идбагла 17 цун сарри цуба гъез лерти. Дягъути ва арати хъуцруми дири. Ил валикибсири къаркъайзивра. Катлакълснала ургав идбагдешла хлябмузан мугъур лебри. Идбагла хъат някъби дарайван кланттири. Иличил къаршикили чумал бархли гьегъира илала бизиси гъемра ванадешра гъанарули кавлугири. Илини дурхъяла бекличил някъ кабихъалри, бизиси гъемличил ил дурхъя цархилтазивад декларулхъусири. Аллагъла Расулла къаркъа кам илцадра жагасири, ил сипатбарес къиянбулхъули саби. Илала дяхъличирти майа жавгъар дурригъунтири. Илдала гъем мисклайчибра бизисири. Илала гъез лугъянтири, хъарскадаралри къаркъарадирулри. Хлядислизиб бурули саби, Аллагъла Расулли бек авна бялгъниличила. Хляйна Жабрагил малаикли бялгун, цайна – Абу Палхъятли, гьегъисигъуна Хляж барибхели. Жабрагил малаикли дирсибти гъез малайкунани касибтири ва заклизил ахъбиубтири, Абу Палхъятли дирсибти ванзаличир калун ва илдала лугъи 12332 сабри. Илдачил дархдасунти тамашала хабурти дахъал сари ва илдачила вахъли гъайвиклес вирар. Иш белклизил нушани къантли ва аргъесли Идбагла гъамрулизир деталри мягъичертигъунти баянтачила бурес къайгъибарра. Хлядислизиб бурили саби Къиямала бархли адам сунес дигусиличил вирар или, вигъахъес багъандан адам сегъуна саял вагъесра гягъниса саби. Гъарли-мрти дигиличил Идбаг ﷺ дигахъес нушаб Аллагъли ахърира илала гъуни буцахъес цакъанира габ, Къиямала бархли иличил дарх ахъдизес багъандан. Бархъси секлал бархъли, балкиси балкли чебахъес Аллагъли кумекбараб! Амин.



# Багъудлуми — Исламла рух

1 « Ахерти узби, нушала душмантани нушачил бузахъуси информацияла дяви някълизи ярагъ касили бузахъуси дявилчиб гйяхъадла урехила ва заралла саби. Ил дявилчиб душмантас къаршили кабатеси цайли цаси ярагъ сари Исламла гйилмурти. Исламла гйилмуртани нуша адуцалачерти хйал-табигйятличи руркъулра, нушази Чевяхъси Аллагъ ﷻ вагъахъес, Илис гйибадатбирахъес, хйялалсира хйярамсира деклардирахъес илди багаладирули сари. Исламла гйилмуртани нуша руркъулра душмантазибад Ислам мяхкамбирахъес, нушази гйеббурули саби се сабил иш дунъя, се саби итил дунъя, илди кйелра дунъяла сегуна деклардеш лебал.

Сен-сен бегъбиэс бирара, гъатйи, халабаити адамти Исламла багъудлумачи?

Илдигъунти багъудлуми илдани касес бирар:

1. Телевидениели ва радиои Исламличила дурай-ути переачабазирад.

2. Исламла «Ас-салам» ва «Нур-ул-ислам» газетабазирад.

3. Исламла мажлисуназирад.

4. Халапгуна мижитлизир алхйят бурхъназир ва хамис бархъи маркйачйила дехйибала дарили гйергъи дурадуркйути Исламла дурсазирад.

5. Исламла жузазибад ва цархйил литературализибад, сарира Дагъиста бусурмантала динна управлениела Экспертунала советли къабулдарибти.

6. Чузиб дурхънира халатира – савли, хйери гйергъи яра бархъехъ – чус дигухъели бучлес бирути исламла белчудила заведениебазиб.

7. Дахъал багъудлуми касес вирар агълу–ссунна валь – жамигйяла гйялимчил ихтилагикйули, сенкйун илини гйилмурти мурхъи дяркъур ва лерти багъудлумачи лайикъли вйашикйули сай. Илизин сен-сен гйяхъдеш бирусил хъарбаэс вирар, илкъяйдали илала санигйятуначи лехйирхъесра.

Ахерти узби, эгер хйуша хйушала дурхъни наркотикуначи, держличи ихънили такъсирчиби бетаэс бирар или, дугурбазиб хъайгйи чархъебулхъули, хйяз-хйузлизин ихънили, чузир хйязани дурадуркйути заланазиб беткайхъули бегътала ва цархйилтала хйурмат хйебирутили бетарнили паргъатагардирахъули диадалли, илди хйушани Исламла белчудила заведениебази бучлахъес бархъаая:

институтунази, мадрасабази, мижитуназирти школабази ва цархйилтази. Сенахъенну Исламла бяркъ – Чевяхъси Аллагълизибад ﷻ Илала Расуллизибад ﷺ нушачи баибси саби. Чйянкйли илгъуна бяркъли адам уряхъти баркъудлумазивад чараагарли уцахъу, жамигйят рухълашалти жагъалтазибад умубирахъу.

Сен-сабил, гйялимтани адамтачи бусурман динна гъарли-марси асар белгибарес багъандан, адамтачи ва арагъеб жамигйятличи хъархъерагартти хйялумцйлаби дурадуркйули ахъен. Масала, итцад манзиллизиб сунечила селра хйебалули гйергъи дин бузахъес бехъихъибти гъарли-мартти адамтачи илини сегуна асар барибал, мижитлизи башесбиили гйергъи илди сен-сен барсбиубал.

Ахерти узби, гъанна пикри бяхъичаая Аллагъла Расулли ﷺ сецад къадри лугусирил багъудлуми кайснилис. Нушаб Идбагла ﷺ ца хйядис баибси саби, сунезибра ишкъяйда бурибси: «Багъудлумачи гъаргъдеш – гъарил бусурманна чебла саби» (Табрани, Байгъакъи ва цархйилти).

Амма багъудлуми касахъес, илдачи гъуцдйиклахъес ца ил хйядислигъун ахъенра нуша жидирути. Даршани цархйилтаннира жидирулра. Илдазирад цацадехътала мягънурби дурехъе.


«Эгер Аллагълиси ﷻ чис биалра гйяхъдеш барес дигули виалли, илини ил дин иргъусили ветарахъа».

Мугйявйятли бурили или, нушачи Бухарили, Муслимли ва цархйилтани баахъибси ташмишдеш ахъелкйахъуси хйядислизибад аргъесли саби багъудлумачи бегъибубти адамти – илдас Аллагъли ﷻ хасси гйяхъдеш пешкешбарили бйгъни.

«Эй адамти, багъудлумачи бегъирути илдачи гъуцйикйули саби» (Табрани). Или ибси саби багъудлумачи вегъиэс, илдачи гъуцйикйес, илди касес багъандан къайгъи дакъубирес гйягънили саби ибси.

«Багъудлуми касес багъандан хъайгйивад чи дураухъаллира, илис Аллагъли ﷻ Алжанализин гъуни гъамадбирахъу». Сунечи тамшдеш кахъевлахъуси ил хйядис Муслимли, Хйякимли, Тирмизини ва цархйилтани баахъибси саби.

«...Мармарли, малайкунанира чула дуклуми багъудлумачи гъуцйикйули саби, илдачи разсила чедир тйинтидиру» (Тирмизи, Абу Давуд, Байгъакъи ва цархйилти).



«Багъудлумагйив умцъан, хашкелди», – илдигъунти дутъбачил малайкунани алавурцу. Илис гйергъи малайкунани цаличи ца кабизурли, гъамсигъуна заклизин биур, багъудлумачи диги иргъахъули». Сунечи ташмишдеш кахъевлахъуси ил хйядис имам Гйяхъмадди, Табранини Хйякимли, Ибну Маджагъли ва цархйилтани баахъибси саби.

«Багъудлумагйив умцйули вебкйибси адам Аллагъличил ﷻ къаршииркхъели, идбагуналара сунелара урgab ца ганзухъ калахъунси даражаличи айахъуси сай». Хйядис Табранини «Авсагъи» бикйуси жузлизин белкйунси саби.

«Чиди-дигара лагъ [Аллагъла ﷻ] багъудлумагйив умцйули виалра, илала илди умцйлабани гъалар сунезирад кадикйити бунагуни гъарахъдиру» (Тирмизи, Табрани).

«Адам бархъси гъуячи калтахъес ва ил (лерилра) уряхъти баркъудлумазивад мяхкамварес багъандан багъудлуми касиличиб дурхъси секйал чилилра хйебаргйиб» (Табрани).

«Эгер багъудлумагйив умцъаннис илдагйив умцйули бекйла къадар биалли, ил шагъид сайлин убкйуси сай» (Табрани, Баззар).

«Эй Абу Зар, савличибад гйилмула ца бутйа бяркъя ва иларад касибти багъудлуми пайдаладара – ил хйед азир ракагъйяла дехъибала дарибхъейчиб къулайли саби». Хйядис баахъибси саби Ибну Маджагъли жагъаси иснадличил бархъли.

«Иш дунъялизибад ва илар лерти лерилра секйайзибад сенгуналра манпагъятдеш агара, Аллагъ вагънилизин ва иличил дархъдасунти лерилра секйайзиб ахъи, илкъяйдали гйялимра учйусира ахъи».

(Жагъаси ил хйядис Тирмизини Байгъакъини, Ибну Маджагъли ва цархйилтани баахъибси саби).

«Цархйилти бяркъес багъандан гйилмула ца бутйа чили белчйалра, илини верхъйяли сиддикъли базицад кери сарху». (Дайлами). (Сиддикъуни – идбагунас гйергъи Аллагълиси бегълара гъамти адамти саби).

«Багъудлумачи гъаргъдеш Аллагъла ﷻ гъалаб дехъилайичиб, дуббуцарличиб, хйяжличиб ва жигъадличиб дурхъаси саби». (Табрани, Ибну Пябдул Барри).

«Ца сягъят гйилму руркъни абзур дуги суждабирниличиб гйяхъил саби. Ца бархъи гйилму руркъни хйябал баз дубурициличиб гйяхъил саби». (Дайлами).

«Багъудлумани лерилра чететхейбдешуни дигяндиру, хйебалудешли биалли лерилра гъаргдиру». Ибну Пяббасли, Аллагъ ﷻ разивиабну сунечи, буриб или ил хйядис Дайламили баахъибси саби.

«Гйялимти – илди ванзала шалми саби, идбагунала мерличи кабалтутти саби ва дила ва цархйилти идбагунала букъурчиби саби». Гйяли-асхъйябли буриб или ил хйядис Ибну Айдинани баахъибси саби.

«Къиямала бархъи бегъла цйакъли децйлизи виркуси гйилму дяркъес имканти лерли илди хйядяркъурси сай». (Ибну Пясакир).

«Гйилму руркънилизин вархъибси адам хурегличил гйевуес Аллагъли ﷻ Сунечи чейсули Сай».

«Багъудлумачи вегъиубсила гъанкй секйал хйебалусила дехъилайичиб дурхъаси саби». (Абу Мугйяй).

«Къиямала бархъи гйялимтала шинкъяра шагъидунала хйира умцъантачи кадирхъути сари ва гйялимтала шинкъя шагъидунала хйиличир декйли дирути сари». (Дайлами).

«Секйал хйебалутала гъалав багъудлумачи гъаргъси адам бекйибти-ургав мицйирсигъуна сай». (Аль Пясакири).

Хъарахъуд бирар...

## Жагъаннабла держ

Держлукъдеш – ХХI ибил даршдусла вабаъ. Гйяму – адамла лебдешуназибад бегълара дурхъати сари. Биалра, адамти чула гйямуричи ва арадешличи дебали чедихйяртли хйербикйули саби. Нушала замана жагъилтас дебали къиянни бетарули саби папрус битйикйинилизибад, держ ва наркотикунни пайдаладирнилизинибад къяббердес, сенкйун гъар мераначиб илди пайдаладирутачил бяхъигули саби.

Зайнаб Мяхъяммадова

Адамла биркйанти – Чевяхъсилли ﷻ аклахъубси табигйятлизиб бегълара гйяхъил гъунчидикибти, чули сари бекйидирути механизмаби сари. Сунени сунела чархълис зарал бирули хъалли, адам пикриулхъули ахъен сунени сай гйяхълу-дагърилла ва чарх-бекйла шайчйивцунра ахъи, рухъи-адаблалашлра заявирули вигъниличила.

Ишбархъи держлукъдеш гъар мераначи гйинтибубси анцйбукъ саби. Ил – камти диаб, дахъал диаб, держ пайдаладирниличибли алкйуси изала саби. Адамла къаркъайзир ва гйяхълу-аргъайзир далагардешуни дакъудирар. Челябкъялализин биалли, бурсивибудешли, аги къулайагарбиркур ва, заманаличиб кумек гйебхъебаахъалли, хйятта вебкйесра асубирар. Амма илгъуна кумек, гйядат саблин, къанбирули бирар...

Гъаланачив адам пикривикйар: селра урехиласи бетхъерар, цагъачам халбарили или, гйур къушум багъандан, илис гйергъи... ва суненигъун азбарла гйяяла удиб сунечила ва сунела тухумличила хъумартурли.

Адамлизир адамдешла къиликйуни багъла-багъяли дегихъур, илкъяйдали - лебилра жамигйятлара. Илдигъунти адамтас саби чинаб сабил, чула гъамтала ва узи-уршила хйулбала гъалаб севан кабилзулил, чула дурхъни сегуна даражаличиб сабил деклардеш агара. Адаб-хйяяличила къалли гъайра хйедикхъе.

Держла асар камбиубли гйергъи уркъила хйяланала ва психикала аги къулайагарбиркур: анцйбукъундеш, къакъявакйибдеш, урехи дагъардиар, агартти анцйбукъуни чедиу, бекйи изесбирхъур, вайти муэрти чедиу... Илгъуна агилизин держлукъуни алавтас урехилати саби ва, нушаб ашкарти сари, хйятта сунела ахъерси неш уршили карушибти анцйбукъуни.

Держлукъунани чула хъалибаргуназиб някъбази ари луга, се-биалра бигъес башар. Илгъуна аги «чули саби бергайчи» даимбирар ва, ахирра ахир, дулекйла раклизибад гйязабдешлизиб бубкйлар.

Сецад хйейгеси биалра, ил масъала ишбархъи дурхъначира хъунул адамтачира къячбилкули саби. Бусягъят чилра тамашавирахъули ахъен къакъялизибси скамейкаличини пивола банкабачил кабиби рурсбани...

Адамти, черсаргъая! Илди къалли челябкъялализин нушала дурхънала нешани саби. Сегъунти дурхъни биркъу илдани? Дила пикрили, имцйатани дила суайс жаваб балули саби. Илди дурхъни гйяхълулашал ва чарх-бекйлизиб гйелакабухъунти, чула бегътала жагъалтала къурбунти саби.

Илди, эгер жагъал агарли акйалира, гйурла такъсирчиби саби. Держлукъуни бегътала дурхъначи держличи хъуликйнила хйялани диули дигъни кабизахъурти анцйбукъуни лерти сари. Илдала дурхъялис держ цайна халдарни баибси саби, держлизивад им хъархъерсилли ветаахъес багъандан.

Се бетарули, гъатйи дагъистанлантала мукърачйиб? Цикурти, мекъ «ицули», бужули саби, ва ил яра гйергъиси дуги виштъаси ветаэс асубирар! Ашкарливан, адамла къаркъайзир держ 6-7 бархъи кавлутти сари, гйур багъла-багъяли ардашутти сари. Илизин се бетарарал пикриухъес балли къиянни саби.

Бегълара гйяхъси батааллира, виштъаси заявирар яра вебкйили виркъу. Вайла шайчйиб пикри барахъелли, нушала челябкъяла зягйипси челябкъялани кавлан... Сегъунси челябкъяла дигулрая хйушаб, хйурматла бусурманти?

Хйушала хатйаби гъардарес ва гъамтас кумекбарес къалабадикирая гъачамлис лебталалра цйакъаначил лерил секйал гъунчидикахъес къанни ахъен. Илдачила аргъес гйягънили саби ва Къудратла Вегълизи ﷻ чевверхахъес тилади диккес саби калунси.







# Ахират гъанбиркахъес

**М**ягъяз ибну Джабал виклули сай: «Нуни ишбархи Идбаглизи ۞ ира: «Расуллагъ, хуни набзи аргъахагу ишди гъайла мягъна – Дядлизи уфъируси бархи хуша ляркъядая къукънадли. Идбаг ۞ висикайиб, хулулбазирад чяхъидухъунти нургъбани сунела палтар шинкъадизли. Пур иб: «Мягъяз, хуни набзи халаси анкъибукъличила хъарбаири. Дила уммат абурцу вецъну кира журала хйайчиб:

Мухаммад ДАВУДОВ,  
ДР-ла муфтийла заместитель

Цаеси тайпа чула хйабразибад абурцу къяшми-някъби агарли, цали тламадиру Аллагъла шайзирад: ишди саби чула унрубас вайдеш бирули буибти. Их саби чус жазаъ, ишди аркъуси мерра жагъаннаб саби. Сенахенну Аллагъ виклули сай (мягъна): «Нушани инсайчи хъарбарра сунела мякълавси, унраличивси адамлис гъяхъдеш бирахъес»; Къисил тайпа чула хйабразибад цурала суратличил ахъбурцу, Аллагъла шайзирад тламадиру: «Ишди саби дехлиба шайчиб азгъиндеш дирули буибти, ишди аркъуси мерра жагъаннаб саби, сенкун дехлибала хедирутас танбихи бируси саби»; Хйабъесил тайпа чула хйабразибад абилзахъу кунби дубуртицад даахъили, чичълумара гъякърабтара дицлахъили, умхачи мешутили. Аллагъла мякъларад цали тламадиру: «Ишди саби закат хелугули калунти, ишдасра жазаъ саби ихъгуна, саби аркъуси мерра жагъаннаб саби». Авъесил тайпа саби хйабразибад мухълубазирад хйи чяхъидиклули

абурцутала. Аллагъла шайчирад цали тламадиру: «Ишди саби чули вачар-чакарлизиб къяна-шилтахъ барибти, ишди аркъуси мерра жагъаннаб саби, сенкун Аллагъла уличил чули дарибти хъямала ахиратлизиб гъяхъдеш хлебирар я саби бунагъуназибад умухлебирар; Шуъсил тайпа саби хйабразибад бемдурли абурцутала, илдала дерхлибти хамхнира дебали гъгъдиклули дирар. Аллагъла шулгирад цали тламадиру: «Ишди саби чула бунагъуни дигъянадирули калунти, адмтазибад урухкъули, Аллагълизибад урухкъули буибти, ил багъандан тавбухледарили бебкъибти. Ишди аркъуси мерра жагъаннаб саби»; Урегъсил тайпа саби хйабразибад чула хъубрира сурсанира чердахъили абурцуту. Аллагъла шулгирад цали тламадиру: «Ишди саби къянала бикъридеш дирути. Ишди аркъуси мерра жагъаннаб саби. Аллагъкун илдази махикусири къянала бикъридеш хледирахъес». Верхъесил тайпа чула хйабразибад лезмуни агарли абилзутала саби, илдала мухълубазирад шахара хйира чяхъидиклули дирар. Аллагъла шулгирад цали тламадиру: «Ишди саби хйажатбикибси мерличир бикъридеш дарес музахъебухъунти. Аллагъликун бикъридеш дигъанмайридая или хъарбарибсири. Ишдасра жазаъ бирар, саби бурхъуси мерра жагъаннаб саби». Гехъибил тайпа абурцу хйабразибад бургира гъяшдуцахъили, илхелира бурги къяшмачир гъяшли диесли. Аллагъла шулгирад цали тламадиру: «Ишди саби зинакарти, тавбухледарили бебкъибти. Их саби чус жазаъ, бурхъуси мерра жагъаннаб



саби. Аллагъликун илди махбарибтири зинализибад гъарахъли буахъес». Урчъемъибил тайпа саби хйабразибад дяхъи цударли, хулули хъанкъли, кумби цали дицли абурцутала. Аллагъла шулгирад илдасра цали иру: «Ишди саби ятим дурхнала мас беркунти. Зулмурта биркъули сари илдани чула кумби цали дицлахъибти. Ил барибти Сагъир бикъуси жагъаннаблизи кабурути саби». Вецъибил тайпа саби хйабразибад къявгала изай (проказа) буцили абилзутала. Илди саби чула неш дудешличи лехъихъеули калунти. Илдала мерра жагъаннаблизи бирар. Аллагъликун хъарбарибсири бегъас гъяхъдешуни дирахъес. Вецъну цара ибил тайпа саби чула хйабразибад уркъи, хулули сукъурли, чула цулбира бугъала мукекиличчи мешути, чула кунгъуби михъиртачи кадаибти, лезмуни биалли кумбачира къяшмачира кадиути ва жяргадешуна-

зи гелабикили абилзутала. Илди саби держли бужули калунти. Аллагъликун держ дужахъесра, палбуршахъесра, шайтунтала гъямултгазибадра гъарахъли буахъесра махбарибтири. Илдира жагъаннаблизи бархъили бирар. Вецъну кира ибил тайпа ил хйабразибад чула дяхъи вецъну шурала бацван ухули абилзутала. Илди сиратла гумиличибад къукъу-лямцъван кункли шалгебулхъан. Аллагъла шайчибад илдас цали иру: «Ишди саби гъяхъти баркъудлумицун дурадуркъули калунти, ишди саби бунагъуназибад умути, Аллагъ чули разиварибти ва ил чучи разивути. Чучи черти шудехелра дехлибала заманаличир дирули калунти муъминти. Ишди алжанализиб бирар». Дила динна узби ва рузби! Хушаб игъбарбиаб вецъну кира ибил тайпализирадти дихъес. Аллагъ икъа-лавиаб хушаб икъди вецъну царалра тайпализирад дерцахъес. Амин!

## Ражаб баз

**А**херти узби ва рузби, дурхъати хйаббузри - Ражаб, Шягъбан ва Рабазан - дехъидирхъниличил хуша мубаракдирутрая!

Сайфутдин Атабаев

Аллагълис () деза биаб, Жумадул ахир базлис гелабад нушаб Ражаб баз савгъатбарни багъандан. Дурхъати хйаббузразибад цаибил саби Ражаб баз (Ражаб, Шягъбан ва Рабазан). Илди бузразиб Аллагъли() гъяхъти баркъудлумас ва гъибадатли шабагъат бахънали имцъабарили лугуси саби. Ил() уркъи- уркъилабад пашманбиубтала бунагъуначивад чевурхуси сай. Иличибли бусурмантас Къямала Бархи чула баркъудлумала умцанти гъяхъдешунала шайчи декъидихъубли дитлакакълахъес имкан лябкъули саби. Аллагъла() ил нушачи бируси уркъеци пайдалахъебарни, хисаблизи кахъесни – бусурманничи дебали балхъебикибси ва убяхъси баркъуди саби. Идбагла \* хйадисуназибад цализиб бурули саби: «Эгер бебкъалис гъалаб ряхъятдеш, талихъебси ахир (Иманничилс бебкъа) ва шайтлайзибад берцуди дигули диадалли – илди бузрала хурмат биреная, дубурцули ва бунагъу-

начи пашмандирули». Ражаб базла цаибил бархи ишдусла июньна 3-личиб бехъибирхъули саби. Ражаб базла дурхъадеш Ражаб базлизиб шабагъат (гъяхъдешунас шабагъат ва бунагъунас жазаъ) бахънали имцъабарили саби. Ражаб базлизир чябхъинтира дургъбира къадагъадарибти сари. Ил базла у бетаурси саби «зулмурти дирнилизибад гелумбизес – сабур бирес» ибти дугъбазибад. Ишди авалра – Ражаб, Зулкъагъада, Зулхиджа, Мухъаррам – Аллагъли() дургъби къадагъадарибти бузри сари. «Ражаб» ибси девлизир хйабал хйарп сари лерти (гъярабла алфавитлизир абхъибти хурпри агара): «р» - «рхъимат» (Аллагъла() уркъеци) ибси мягъна иргъахъуси; «дж» – джурмул-гъабди» (Аллагъла() лугърала бунагъуни), «б» - «бирру Аллагъи тагъяла» (Чевяхъси Аллагъла() гъяхъдеш), Аллагъ виклули сай: «Я Дила лугъри, Нуни хушала бунагъуни Дила Уркъецила ва Дила Гъяхъдешла урга дебадаресли барра». Дахъал гъяхъдешуни дарес гъяхъси баз саби Ражаб баз. Аллагълира(), нушани чебиуливан, сахаватли Сунела уркъеци гъарилличи чебетиахъуси дурхъаси баз саби. Ил багъандан, нушачиб чебси саби Аллагълис () тгъят бирнила къяйдурти, бусурман адамла чеблуми гъяхъил дяркъес, бусурман



адамличи лайикъли гъяму деркъес. Ражаб базлизив дубурцира гъяхъси саби. Абзур баз дубурцес хейрули виалли, базла цаибил, вецъну шурра ибил ва гъергъити бурхназивалра дубуцаб. Хйадислизиб бурули саби: «Хъуммартидая, Ражаб – Аллагъла баз саби; Ражаб базлизив чили ца бархи дубуцаб, Чевяхъси Аллагъ иличи разили вирар». Ражаб базла цаибил хамис бархи дубуцира дурхъаси баркъуди саби. Цаибил жумягъи дугира гъибадатлизиб беркъни дебали дурхъаси саби. Ил дугилис Лайлатул-Рагъаиб или бикъар. Ражаб базла 27-ибил дуги тамашала гъяламатла анкъибукъ кабикибсири –

нушала Идбаг \* Чевяхъси Къудратла Вегъли () Гъяршличи ахъуцибсири – аль-Исрагъи валь-Мигъраж. Ражаб базла 27 ибил бархи дубуцира дебали дурхъаси баркъуди саби. Хйадислизиб бурули саби: «Аргъая, Ражаб баз Аллагъла баз саби. Ил базла цаибил дуги гъибадатлизиб беркъибсила чарх бебкъибхелира уркъи хлебуцъар, Чевяхъси Къудратла Вегъли() илала бекълизира гъяхъдешуни картлу ва сай нешли варкъибхеливан бунагъуначивад умукъайрар. Илхели ил адам, чучи жагъаннаб херти 70 азир бунагъкарлис шафагъятли виес вирар».



## БЛАГОТВОРИТЕЛЬНЫЙ ХАДЖ

Положение об организации благотворительного хаджа 2011 г., спонсируемого С.А. Керимовым. Одним из пяти обязательных столпов Ислама является хадж (паломничество в Мекку). Совершение хаджа возложено на мусульман при наличии физической и материальной возможности.

Хвала Аллаху, мусульмане, которые не могли в силу своей материальной необеспеченности совершить хадж, получили возможность для исполнения этого столпа.

1. Подбор паломников осуществляется Советом района (села) (в него входят имам района (села), гл. администрации и представитель общественности), строго путём жеребьёвки.

2. Паломник должен быть несостоятельным для совершения хаджа за собственные средства.

3. Рекомендуемый возраст паломника: от 30 до 65 лет.

4. Совершение хаджа в первый раз.

5. Все паломники до отправки в хадж должны пройти курсы подготовки к хаджу и должны быть обеспечены соответствующими справочно-информационными материалами.

6. В случае отказа победителя жеребьёвки путёвка распределяется решением оргкомитета благотворительного хаджа 2011 года.

7. Жеребьёвка будет проводиться с 15 мая по 15 июня 2011 г.

8. Срок приёма паспортов: с 15 июня до 15 августа 2011 г.

9. По всем вопросам обращаться по адресу: г. Махачкала, ул. Дахадаева, 136, ООО «Марва-Тур».

Тел.: 8 988 207 00 09  
Тел./факс: 8 (8722) 56 66 63

**Мижитлизи башути цабахли илизи бухнайхъхели салам беддугули бирар, цархилтани дехибала дарили гьергьизун. Чидил ти бархьти?**

Гьаланачи кьел ракаглатла дехибайчил Кьудратла Веги Аллагьлис ﷺ салам бедес чебиркур. Илис «тахият» биклар. Мижиткун Аллагьла ﷻ хьали саби.

Эгер замана камли биалли яра черлидиубти дехибала кьандури диалли, цархилти дехибалара дарес асубирар. Илди «тахиятлалара» дирар. Илала гьергьи мижитлизибти мубаракбаресра асубирар. «Фатхул Гялам»

**Адам вебкьибхели, вебкьибсила гьелабтани садакьа бирулра или, ца яра кьел халати хьайван делгьи, садакьалис дуртгули сари, гьелаб калунти хьалибаргличичи хьерхелили илгьуна садакьа бирни бархьсив?**

Садакьа дебели дурхьаси баркьуди саби. Хьядисуназиб буриси тьахьарли, адам вебкьибхели илис пайда бихути секлумазибадди саби. Амма лебил вегила мас садакьалис бедалли, вегила бахес, абикуес хьаятти адамти гушли кавлули биалли, илгьуна садакьа барес асухьибарар. Вегила хьалибарглисра вегилисра хьаятти батурли, гур калунси бутгес дебели дурхьали бирар. «Фатхул Гялам»

**Зина барниличив пашманвиубли тавбура дарили, амма сегуналра балагь, хатга хьабакалли, ил бунагьлис гьязаб гьелайзи арбухнилизи халбирусив?**

Тавбуличила гьанбушибхели нушаб илала шуртгьри дагьахьес дигахьахьери. Илди сари:

1. Бунагь барниличив ва Аллагьла амрулизивад дураухьниличив пашманвиуни.

2. Ил бунагьлици гьатги цархьвхьес чумаси кьас биъни.

3. Ил бунагь бирули леви виалли, ил заманализиб бунагь батни.

4. Чис-биалра зарал барили виалли, ил кьалабали ахьни.

Нушани дурибтазирад чиди-биалра шартгь бархьбаталли тавбу детарути ахьен. Гурра ца гьатги дебели хьаятти секлал.

Аллагь вагьурти биклули саби: «Адамли сунени барибси бунагь гьанбиалли, илхелира тавбу дараб, сенахьенну бунагь хьумхьертни, ил бунагьлицивад Аллагь чевхьертниличив халбируси саб». Хушала гьайлизибад даклули саби, ил бунагь хьумхьертни ва иличибли Аллагь гьаннара чевхьертни ахьен. Ил багьандан гьар мурталра ил бунагь гьанбикибхели тавбу дирес хьаятти саби. Аллагьли биалли ил бунагьлици гьязаб иш дуньялицибра барес асубируси саби, ил барибсира пикриухьахьес, иличибли цархилтасра дарс бетаахьес. Аллагьли нуша дерцахьаба илди бунагьуназирад.

**Машинала ухна кайили дехибала дирес асубирару?**

Кьяшмачи тлашизес ва Кьагьбала шайчи кайзес вируси бусурман адамли дехибала тлашли дирети сари. Тлашли уэс ахьри агарсини дехибала кайилира дарес вирар. Ил баресра имкан агарсили кайхьира вирар дехибала дарес, шайчи кайхьи, ил баресра хьейралли, кьакьлици кайхьира дарес вирар. Суннатла дехибулти кайили яра шайчи кайхьи даресра асубируси саби.

**Хьунуладамла муцурла удила кьапбарес фарз (чебла) сабив, ахли суннат сабив?**

Хьунул адамлис дехибайзирхели ва сунес мяхрамли бетхьерути адамтала мяклар, дяхьира бекля някьбира ахьенси, лебил кьаркьала кьапбарес хьаятти саби. Камси бутла биалра муцурла удилара кьапбарес гьагьнибиркур.

**Дехибала дирухели бекличичи кьапа кабиэс чебсив?**

Дехибала дирухели, бекличичи кьапа чебиэс имканра лебли ил чехьибихили батес гьахьисахьен, амма ил биънилизив чебла лебси ахьен. Дехибайс биркуси кер, суннатун хьедарили дехиба дарнилис камбируси саби. Бекличичи кьапа бихес дехибайзиб ахьенхелира дурхьаси саби.

**Нуни бакьира малайкунала мурул хьунул жинсани лерти ахьен или. Бархьсив ил?**

Малайкуни нурлизибад барибти саби, илдала мурул жинсра хьунул жинсра лерти ахьен, илди кьацли букути ахьен, ши букути ахьен ва илдазиб деклар-декларти куцани дарсдирес имкан лебси саби.

**Жамигьатла дехибала хьулир дирухели нушани кьаматцун бирулра. Ил бархьсив?**

Ахьен. Кьаматличирлици паргьаткадирни гьахьиси ахьен. Илкьяйда бирес асубирар чьянкли мижитлизибун, сенкун илаб азан зайбухьси саби. Илабра балли вегилис вегили азан бучьни гьахьиси саби. «Фатхул Гялам» жузлизив бурули кьяйда, азан бирни кьулайси саби.

**Адам вебкьибхели кьулгьулици чум бархли вашес хьаятти сив?**

Адам вебкьибхели, кьулгьулици вашни, яра ил вебкьибсиле себиалра бучьни чебси ахьен, амма вебкьибси илдачи дебели хьаятти сай, хьядислизивра бурули саби вебкьибси мицфьртала балга-дугьлици, ицфьрсиде адам беркайчи хьаятти виркусиличив дебели хьаятти сай. Ил багьандан кьулгьулици чум бархли вашес вираллира, вашес дебели дурхьаси саби. «Фатхул Гялам»

**Дехибай бунагьуни умудирутив?**

Дехибай диштлати бунагьуни умудирути сари. Амма илдан халати бунагьуни сарира, адам кавшни, зина, сихьру ва илдачи мешути бунагьуни умудирути. Идбагли ﷺ бурули сай: «Шелра черти дехибай, шинни няс умудирути кьяйда, бунагьуни умудирути». Гурра Идбагли ﷺ бурули сай: «Халати бунагьуни ахьенси, дехиба ургар кадикибти диштлати бунагьуни, дехибай умудирути». Сен биалра сунени дарибти бунагьуназирад адамли урки уркиларад тавбу дарес хьаятти сари

**«Аттахиятла» замана секьяйда халатил буцалли бархли бирара ва ил вьшбарниличив хьаятти лебсив?**

«Аттахиятла» замана халатил ахьбурцуси саби «иллаЛЛАГь» ибти дугьби дурухели. Ахьбурцуси тлул гьахьабуцили биэс чебиркур, мукьурдеш иргьахьусиван. Ил хьайзиб тлул калес бирар «Аттахият» таманбиайчи. Тлул вьшбархьес маслигьтибируси ахьен. «Аттахият» таман биайчи туйчира хьерикес чебси саби. «Фатхул Гялам»

**Дазала дирухели, шинни бицибси гажинна духна някьличирад, яра дяхьличирад шинна кунтгьри кьантдурхьалли, иди шин дазайс асудирутив?**

Илди кунтгьри, дазайзир дирцес черти мерани (дахь, някьби, бекла гьез, кьяшми) ицухели кьантдурхьи диалли, ишди шуртгьри хьисабдарес хьаяттибиркур: ил гажинна духна илди кьантдурхьунти шинна кунтгьрала кьадар, цудара яра хунтленна тлутила шинна кунтгьри кьантдурхьалри, илди шинна ранг дехьсурдулхьил, яра нарла шинна кунтгьри кьантдурхьалри, илди шинна тлем бекьсурбулхьил, яра илдицад кунтгьри тлемла бегь кьирла кьантдурхьалри, илди шинна тлем бекьсурбулхьил. Бекьсурбулхьалли, илдигьунти шин дазайс асудирар. Гажинна духна дахьал кунтгьри кьантдурхьунал камти кьантдурхьунал балули хьейралли, илди шин асудирар. «Фатхул Гялам»

## Рузнама

### Июнь

дни	Утрений Ас-Субх	восх.	Обеден. Аз-Зугьр	После-обеден. Аль-Гаср	Вечерн. Аль-Магьриб	Ночной Аль-Гьишаь
1	3:02	5:10	12:53	16:55	20:26	22:16
2	3:01	5:10	12:54	16:55	20:27	22:17
4	2:59	5:09	12:54	16:56	20:28	22:19
6	2:57	5:08	12:54	16:56	20:29	22:21
8	2:56	5:08	12:55	16:57	20:31	22:23
10	2:55	5:07	12:55	16:58	20:32	22:25
12	2:54	5:07	12:55	16:58	20:33	22:26
14	2:53	5:07	12:56	16:59	20:34	22:28
16	2:53	5:07	12:56	16:59	20:35	22:29
18	2:53	5:07	12:57	17:00	20:35	22:30
20	2:53	5:07	12:57	17:00	20:36	22:30
22	2:53	5:08	12:58	17:01	20:36	22:31
24	2:54	5:08	12:58	17:01	20:37	22:31
26	2:55	5:09	12:58	17:01	20:37	22:31
28	2:57	5:10	12:59	17:02	20:37	22:30
30	2:58	5:11	12:59	17:02	20:36	22:30